

Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 18-imi, 31. oktober 1996-imeersumi § 9 imm.1, § 10, imm. 1, nr. 4, §§-it 26, 27, kiisalu § 33, imm. 2 Inatsisartut inatsisaatigut nr. 12-kkut, 6. november 1997-imeersukkut allanngortinneqartumi, Inatsisartut inatsisaanni nr. 6, 20. maj 1998-imeersumi, kingullermik Inatsisartut inatsisaatigut nr. 8-kkut, 22. november 2011-imeersukkut allanngortinneqartumi, naapertorlugu aalajangerneqarpoq:

Atuuffi

§ 1. Nalunaarut Kalaallit Nunaanni aalisakkanit atortussianik siullerpaamik pisinermut atatillugu nalunaarutiginnittarnermut atuuppoq.

Imm. 2. Aammattaaq kalaallit aalisariutaasa nunanut allanut pisanik tikiussisarnerannut aalisariutillu tamarmik Kalaallit Nunaannut pisanik tikiussisarnerat siunertaralugu siullerpaamik nioqqutissanik tunisaqarneq sioqqullugu avammut nioqquteqarnermut nalunaarut atuuppoq.

Nassuaatit

§ 2. "Aalisakkanit tunisassiat" ima paasineqassapput, imaan uumasut tamarmik taakkununngalu nioqqutissiat. Uumasut miluumasut imarmiut taakkununngalu nioqqutissiat ilaanggillat.

Imm. 2. "Aalisarnermut angallat" ima paasineqassaaq, sunaluunniit imaatigut nunakkulluunniit assartut aalisarnermut atatillugu atorneqartartoq.

Imm. 3. "Pisiortortoq" ima paasineqassaaq, aalisakkanit tunisassianik/tunisassiassanik pisortanit pisiortortutut akuerisaq.

Imm. 4. "Aalisartoq" ima paasineqassaaq, kinaluunniit akuersisummik piginnittoq, taamaasillunilu malittarisassat malinnejarnissaannut akisussaalluni.

Imm. 5. "Tulaassat annertussusaat" ima paasineqassaaq, aalisakkanit tunisassianik/tunisasiassanik annertussuseq kiilunngorlugu tamakkerlugu aalisariummit usingiarneqartoq pisior-tortumut tunniunneqartartoq.

Imm. 6. Oqaaseq "tulaassineq" atorneqartapoq, aalisariummit aalisakkanit atortussianik usingiaanernit tamanit, usingiarneqartut annertussusaat tamarmiunersut imaluunniit usigineqartut ilaannai pineqarnersut, aamma usingiaanerup talittarfimmit imaluunniit imaanit ingerlanne-qarnera apeqqaatinnagu.

Imm. 7. Piffissaq ataasiningornermit nal: 00:00-miit sapaammut nal: 24:00- imut kitaani nalunaaqutaq

malillugu, "sapaatip akunneratut" paasineqassaaq.

Imm. 8. Piffissaq aalisariutip imaqarani aalisarnermik aallartinneraniit aalisariutip usingiarluni imamarneqaqqinnissaata tunganut "piniariarnertut" paasineqassaaq.

Aalisartup pisussaaffi

§ 3. Inuit ingerlatsiviilluunniit, pisiortortumut tulaassuisut tulaassuinermut nalunaarummik atsiorsimasumik, ilangussami 1-imí paassisutissatut allassimasunik imaqartumik tunniussa-qartassapput.

Imm. 2. Ilangussami 1-imí paassisutissat, kingusinnerpaamik tulaassinermi pisiortortumut tunniunneqassapput.

Imm. 3. Angallatinut 75 BRT / 120 BT ataallugu angissusilinnut Kalaallit Nunaanni pisiortortartumut tulaassisartut piniariarnernut tamanut umiarsuup pisanut allattaavii tulaassinermi pisiortortartumut tunniunneqassapput.

Imm. 4. Angallatinut 75 BRT / 120 BT sinnerlugu oqimaassusilinnut piniariarnernut tamanut Kalaallit Nunaanni Aalisarsinnaanermut Akuersissutinik Nakkutilliisoqarfimmut (KANUAANA) tulaassinerup kingunitsianngua umiarsuup pisanut allattaavii nassiuuttassavaat.

Imm. 5. Angallatinut Kalaallit Nunaaneersunut, nunani allani usingiartunut umiarsuaateqarfik umiarsuup pisanut allattaaviinik nassiuusuinermut peqatigitillugu KANUAANA-mut tulaassat annertussusaannut upernarsaatinik nassiussoqartassaaq, ilangussaq 1 takuuk.

Imm. 6. Angallatinut Kalaallit Nunaanni usingiartunut siunertaralugu siullermik pisiortornissaq sioqqullugu avammut tunisinermut umiarsuaateqarfiup tulaassat annertussaannut upernarsaammik nassiusssisaq, ilangussaq 1 takuuk.

Pisiortortup pisussaaffi

§ 4. Aalisakanit atortussianik tulaassinermi KANUAANA-mut ilangussami 1-imí oqaatigineqartutut pisiortortut paassisutissanik tunniussisassapput.

Imm. 2. Kinaluunnit, KANUAANA-mut paassisutissanik nassiusiniartoq KANUAANA-p innersuussutai malillugit qarasaasiomit atuarneqarsinnaasunik paassisutissanik nassiusssisaq.

Imm. 3. KANUAANA-p imm. 2-mit ilangunneqanngitsoq nalunaarutigisinhaavaa kikkulluunniit ingerlatsiviilluunniit ukiup kaajallalluni ingerlaneratigut paassisutissanik taamaallaat arlaleriaannarlutik nassiusssartut, imaluunniit annerpaamik 50-it angullugit qaammammut tulaassivigineqartartut.

Imm. 4. KANUAANA imm. 2. naapertorlugu immikkut akuersissuteqarsinnaavoq inunnut suliffeqarfinnulluunniit ukiumut 1 mio. kr. ataallugit kaaviiartitsisartunut.

§ 5. Paassisutissat tamarmik KANUAANA-mut nassiuunneqartut uuttortaaneq tunngavigalugu aallaaveqassapput.

§ 6. Paassisutissat KANUAANA-mut nassiuutassat, paassisutissat ilaasortamut ataatsimut tunngasuuppata, aamma paassisutissat ingerlateqqinnejqassasut kattuffiup ilaasortaanermut piumasaqaataani allassimappata, aammalu ilaasortap tamanna allakkatigut akuerisimappagu taava aalisarnermut kattuffimmut ingerlateqqinnejqarsinnaapput.

Imm. 2. Pisiortornernut pisassiissutinilluunniit pisanut nalunaarsuutit KANUAANA-p tamanut saqqummiussinnaavai. Nalunaarsuutini paassisutissat inunnut suliffeqarfinnulluunniit tunngasut ilisarnarunnaarsarneqassapput.

§ 7. Pisiortortup paasissutissat § 4 imm. 1 naapertorlugu tigusimasani KANUAANA-mut ingerlateqqittassavai. Paasissutissat sapaatip akunneranut kingullermut tunngasut kitaata nalunaaqutaa malillugu ataasiningornerit tamaasa ullup qeqqartinnagu nassiunneqartassapput.

Imm. 2. Pisiortortup tulaassinermut nalunaaajaat minnerpaamik ukiut pingasut toqkoqqassavaa. KANUAANA-p tulaassinermut nalunaaajaatit nuunnerinik nassitsivigineqarnissaminik piumasaqaateqarsinnaavoq.

Imm. 3. Pisiortortartup paasissutissat § 4 imm. 1, naapertorlugu tiguneqartut umiarsuup pisanut allattaaviinut pisiortornermut naqitsissut, ateq ullaorlu allassavai.

Imm. 4. Sapaatip akunneranut qaangiuttumut umiarsuup pisanut allattaavii ataasiningornerit tamaasa nassiunneqartassapput. umiarsuup pisanut allattaavii KANUAANA-mut allakkat puuinut immikkut ittumik frimærkilikkanut ikillugit nassiunneqartassapput imaluunniit KANUAANA-mut toqqaannartumik tunniunneqassapput. Allakkat puui apeqquteqaateqarnernikkut KANUAANA-mit tunniunneqassapput.

Imm. 5. KANUAANA-p paasissutissat imm. 1-im 4-milu pineqartut akulikinnerusumik nassiunneqartarnissaat piumasaqaatigisinnaavaa.

Nakkutilliineq

§ 8. Nunami namminermi nunallu assiginngitsut nakkutiginninnermut malittarisassaasa atortinnissaat siunertaralugu KANUAANA-p talitarfit aalajangersimasunut tulaassinissamik aalisakkanik aalajangersimasunik imaluunniit piffinit aalajangersimasunit pisarisimasat tulaanneqarnissaannik piumasaqaateqarsinnaapput.

Pineqaatissiissutit

§ 9. §§-inik 3, 4, 5, 7, aamma 8-mik unioqqutitsinerit pinerluttulerinermi inatsimmi malittarisassat malillugit pineqaatissiissutaasinnaapput.

Imm. 2. Taamatuttaaq nalunaarut naapertorlugu peqqussutaasumik nalunaaruteqanngitsoorneq imaluunniit eqqunngitsumik nalunaaruteqarneq imaluunniit paasinerlunneqarsinnaasuni paasissutissiinerit pineqaatissiissutaasinnaapput.

Imm. 3. Inatsisitigut pisinnaatitaasut pisussaatitaasullu taamatuttaaq imm. 1-imisut, pinerluttulerinermi inatsimmi malittarisassat malillugit pineqarsinnaapput.

Atuutilerfia

§ 12. Nalunaarut atuutilerpoq 1. januar 2012.

Namminersorlutik Oqartussat, ulloq 22. december 2011

Ane Hansen

/

Jens K. Lyberth

Ilanngussaq

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut